



UKA/EM 2015/163

Randi Vestergaard Evaldsen

7. oktober 2015

Siunnersuut uunga: Eqqumiitsuliornermik ingerlatsineq pillugu Inatsisartut inatsisaat nr. xx xx. xx 2015-imeersoq.

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)
(Siullermeenera)

Demokraatiniit ATASSUT-miillu ataatsimut isigalugu eqqumiitsuliornermik ingerlatsineq pillugu inatsisissatut siunnersuut iluarisimaarparput,. Nuannaarutigaaarpud immikkoortumi sapinngisamik ersarinnerpaanik sinaakkusersuisoqalermat.

Filmiliornermut tunngasumik ataatsimik apeqquutissaqarpugut Naalakkersuisunut isummerfigitikkusutatsinnik. Demokraatiniit ATASSUT-miillu § 8 imatut paasivarput, filmiliornermi tunngavissamik allaaserisaqarnermi tapiiffigineqarnissaq periarfissaqartoq. Ullumikkut oqaatiginngikkaluarlugu naatsorsuutigineqartarpoq manuskriptimik peqariissasoq aliikkutassiamik filmiliornermut tapiissutinik qinnuteqarniaraanni. Kisianni filmiliornermi tunngavissamik pitsaasumik manuskriptiliorneq ukiumik ataatsimik sivisussuseqarluarsinnaasoq ilisimavarput. Taamaattumik kalaallit aliikkutassiaralugu filmiliaannut pitsanngorsaataanngitsoornaviannngikkaluarpoq sulinermut legatimik tassunga suliap ilaanut pingaarutilimmud qinnuteqartoqarsinnaanngoraluarpat. Tamatuma saniatigut tikkuarusupparput siunertarisamut naleqqutissagaluarmat filmimut manuskripti avataaniittumut manuskriptiliornermut siunnersortimut misissutitsinermut atugassanik aningaasanik qinnuteqartoqarsinnaanngoraluarpat.

Aliikkutassiamik filmiliornermut atatillugu ajornartorsiut utikattuortoq tassaavoq aningaasaliissutit ukiumi tunniunneqarfianni atoqqusaasarnarat. Aliikkutassianik filmiliornermi naliginnaavoq qinnuteqartup aallaqqaammud pisortat tapiissutissaannik qinnuteqartarnera kingornalu tapiissutisiani atorlugit aningaasaateqarfinnut tapiissutinik qinnuteqarnerminut atatillugu. Amerlasuutigut ima sivisutigisarpaq ukioq aningaasaliiffiusoq qaangiuttarluni,



taamaaligaangallu allatut ajornartumik qinnuteqaqqinnissaq pisariaqartarluni. Taamaattumik siunertarisamut naleqqutissagaluarpoq aningaasaliissutit imaluunniit tapiiffigineqarnissamut neriorsuutit piffissap taariikkap iluani atorneqarsinnaasuugaluarpata, ukioq aningaasaliiffiusoq ataaseq sinnerlugu sivisussusilerlugu.

Taamatut oqaaseqarluta siunnersuut Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliamut innersuupparput.